

(...)

Testament Bories

Au nom de diéu soit aujourdhui
quinziesme du mois de **febvrier an mil six**
cens cinquante neuf apres midy regnant nostre
souverain et tres chrestien prince Louis quatorse
du nom par la grace de dieu roy de france &
dé navarre pardevant moy no(tai)re et presans

xxxviij

Les tesmoingz bas nommes dans ma maison
a villemur diocese bas montauban et senechauce
de tholose estably en personne **jean bories**
filz a feus autre jean & de marie de verdier
chirurgien de la presant ville lequel
orés dieu graces soict en bonne sante et
disposition de corps bien voyant et oyant
parlant et estant en ses bons sens jugemant
memoire et cognoissance toutesfois considerant
ny avoir rien de plus certain qué la mort
ny de plus incertain que l heure estant
sur le poinct de s en aller par le pais travaillé
de son mestier dé bon gré non induict
ny suborné de personne a faict & ordonné
son testamant nuncupatifz en la forme
et maniere suivante et premieremant
a faict le signe de la croix sur sa personne
recommandé son ame a dieu pere filz et
sainct sperict et supplie icelluy de bon
coeur luy pardonner toutes ses fautes et
peches et vouloir colloquer son ame en son
paradis celeste pour l amour de son tres chér
& bien ayme fils nostre seigneur jesus
christ et par l intercession de la glorieuze

vierge marie saintz et saintes de paradis
a vullu et ordonné veut et ordonne le testateur
apres que son ame sera separée de son
corpz s il m(e)urt en ceste ville qu icelluy soict
ensepvelly dans la sepulture qu ils ont dans
l eglise saint michel d icelle selon l ordre
observé en la relligion catholique et apostolique
romaine dont il faict profession ~~remet(t)ant~~
~~ses hon~~ et sy ailleurs ou samblera bon
a ses heretiers bas nommes ausquelz
remet ses honneurs funebres s assurant
qu ils s en aquitteront dignemant item
a donné & legué donne et legué le testateur
a **marthe de bories femme dé m(aître) ambroize**
cailhassou greffier sa soeur consanguine
& a **pierre bories aussy son frère consanguin**
filz dudict feu bories et d anthoinette de
pendaries et a chacun de ses autres parens

quy pourroinct prethandre droict sur ses
biens cinq sols a chacun paiable quinze
jours apres son deces moyenant quoy
les a faictz et institués ses heretiers

xxxix /

particuliers a ce que né puissent rien
plus prethandre ny demandér sur sesdictz
biens & hereditte et en tous et chacungs
ses autres biens meubles immeubles
noms droicts voix et actions presans et
advenir ou que soinct & luy puissent
apartenir a faicts institues & de sa
propre bouche nommes ses heretiers
universels et generaux assavoir est
**pierre et raymond pierre bories ses freres
germains** pour par iceux soudain apres
son deces partir et diviser sesdictz biens
et chacun de sa part en jouir faire et
disposer a ses plaisirs et volontés et
tel a dict le susdict bories testateur
estre son testamant que veut que vailhe
et soict valable par droit de testamant ou
de codicille ou de donna(ti)on faicte a cauze
de mort ou dispo(siti)on de derniere volonté
et par toute autre meilleure voye
que de droict pourra valloir revoquant
et annullant tous testamans donations
qu il pourroict avoir cy devant faictes

voulant que le presant soict son vray et
unique testamant et affin qu il soict d autant
plus efficace et ne puisse estre revocqué en
doubte a pries les tesmoingz sy apres
nommes par luy faicts appellér et recogneus
l un apres l autre d estre memoratifz de
ceste sienne volonté et presante disposi(ti)on
& requis moy dict notaire d en rettenir
instrumant ce qu ay faict en presance
de m(aîtr)e ~~anthoi~~ jean anthoine cazes greffier
m(aîtr)e jean faveres escripvain jean vidal
anthoine savieres bertrand de nupces, pierre
malpel marchans et gabriel malpel pra(tici)en
de villemur signes avec ledict testateur
et moy no(tai)re requis

J. Bories, testateur	Cazes, p(rese)nt
Savieres, p(rese)nt	Denupces p(resen)t
J. Faveres	Malpel
Malpel	Custos not(aire)